



HN/03/July-August/2023

BELIEVERS EASTERN CHURCH

Office of the Metropolitan, Synod secretariat, St. Thomas Community, Thiruvalla, kerala, India

गुमग्रानि लाइजाम

July/August 2023

बयबो आर्सबिसप आरो बिसपफोर, दौरि आरो डीकन फादार, इबानजेलिस्ट आरो अर्डरि अफ सिस्तार्स आरो मुलुगनां बिलिबार्स ईस्टार्नि सार्चनि बयनोबो बिफा, फिसा आरो गोथार जिउनि मुडाव बोर आरो गाहाम हामग्लायनायखौ जासिहरनाय थाबाय। अमेन!

ख्रीस्ट'नियाव अनजाग्राफोर,

जों ख्रीस्ट'नि महर सोलायनायनि फोरबोआव हाबनो लादोंसै, आरो बेखौ फालिनाय समाव जों बेखौ गोसोखाडो दि जोंनि फोरबु जिसु ख्रीस्ट'आ गावनि ईसोरारि महिमाखौ नुजाहोनानै महर सोलायदोंमोन (माथाइ 17:1-8)। बे फोरबोआ जोंनो बेखौनो गोसोखांहोयो दि जोंनि अर्थडक्स ख्रीस्टियान जिउनि थांखियानो जाबाय ईसोरनि ईसोरारि आखलाव बांसिननि सायाव बांसिन सोलायजानाय (2 करिन्थियारि 3:18)। बे खान्थिया सरासनस्रायै 'ईसोरनि आखलाव दाजानाय' एबा 'थिय'सिस' होत्रा मिथि जायो। नाथाय जों बेखौ माब्रै मोत्रो हाथावगौ?

1. जिसुआ जोंनि सुग्रा तार जानो गोनांथार:

गिबि फोथायारिफोरखौ ख्रीस्टियान होत्रा बुंदोंमोन (थोनहरजानाय 11:26) मानोना बिसोरो ख्रीस्ट'नि आखल आखुजों सोलिदोंमोन। थारै बुंनो थाडोब्ला, गिर्जानि सासे गिबि बिफागुदि आरो गिर्जानि बिसप सादु इग्नेसियासआ गावखौ ईसोर दैग्रा होत्रा बुंदोंमोन! दिनै, जोंनि सोरगिदिं थानाय सुबुंफोरा जोंखौ गोसो होनानै नोजोर होयोब्ला, बिसोर जोंखौ मा होत्रा बुंगोन? बिसोरो जोंखौ रायखोमाग्रा, रागा खरा, फैसा अनग्रा, बिग्रायग्रा, दुथां, एबा अन्नाय खान्नाय गैयै होनगोन नामा? नडाब्ला, मा जों थारै ख्रीस्टियान होनजानो समायगौ ने?

जों ख्रीस्ट'नि बादि नडै गावसोरनि आखल आरो आखुनि थाखाय बाइदि बाइदि बाहाना खालामनो हागौ, नाथाय जोंनि दैखोन्थिया जिसुआसो जानो गोनांथार। जोंनि गोरबो इसिनि इस्साया बेयो जानो गोनां, “फोरबु जिसु, आं नों बादि जानो हास्थायो, जाहाथे आं नोंनि मुंनो मान लाबोनो हायो।” बेनि ओंथिया बेनो दि, जों दायो गावसोरनि हारिमु, गावसोरनि न'खरनि अबस्था, गावसोरनि आवगोलनि फेलेंफोर, आरो गुबुन सुबुंफोरनि गाज्जि दैखोन्थिफोरखौ जों जेरै दं एरै थानो बाहाना बादियै बाहायनाय नडा। आरो फेलेंजागाफ्रोमबो जों जिसुनि आर'जखौ खालामनो नागौ- ‘फोरबु जिसु ख्रीस्ट’, ईसोरनि फिसा हौवा, आं फापिनि सायाव अनखांहरा।’

2. जायखि जेखि मानिना सोलिया मानो जों गोथार सास्थोरखौ मानिनो थिरांथा लानांगौ:

जिसुआ बुंदों, नोंसोरो आंखौ अनोब्ला, नोंसोरो आनि हुखुमफोरखौ मानिगोन (सादु जहन 14:15)। बेनिखायनो, जों ईसोरनि बोसोनफोरखौ मानिना गावसोरनि अन्नायखौ दिन्थियो। जुदि सोरबाया सोरखौबा रायखोमायो अब्ला जों बिसोरजों लोगो लाफाया। जुदि बिसोरो गोहोआव थानायफोरनि सिडाव जाया एबा सोंखारिनाय गोसोखौ दिन्थियो, अब्ला जोंहा बेयाव मुंबो बाहागो थानाय नडा। मानो? मानोना जों ईसोरनि इस्साखौ जाफुं होनो सायख'यो जेरैहाय बिनि बाश्चाफोरा जोंखौ बोसोन होयो। जों उदै बासियो, जों आर'ज खालामो, जों अनसुंथाय होयो, बेबादिनो जेरै गोथार सास्थोरा जोंखौ मावनो खोन्थायो।

3. गाज्रि लोगो लानायनिफ्राय गोजानाव था:

मोनसे गोदो गोदायनि बुनाय दं, “आंनो खोन्था दि नॉनि लोगोआ सोर, आरो आं नॉनो खोन्थागोन नोडो सोर।” जों सानो हागौ दि बेजों मुंबो फाराग जाया जोंनि आंगो लोगोफोरा सोर एबा जों जायजों सम हगारो। नाथाय बे सानाया मोदायनि बइनिखुइबो गोखोंसिन सोलैनायफोरनि मोनसे। जाय सुबुफोरजों जों लोगो लायो बिसोरनि हामै आखु, सोंखारिग्रा गोसो आरो बिग्रायग्रा आखला लासै लासै जोंनि गोसो सिडाव बिस सोबाय थागोन। सादु पाउलआ बिथोन होयो – ‘जाया मावनो इस्सा जाया, आरो जों नोंसोरनो फोरोंनाय हुदाफोरखौ फालिया, बिसोर साफ्रोमबो बिदा फंबायनिफ्राय गोजान जादो’ (2 थेसाल'निका 3:6)। नोंसोरो दाबुरखायजा! “गाज्रि लोगोफ्रा मोजां मानसिखौबो गाज्रि खालामो” (1 करिन्थियारि 15:33)।

खीस्ट'नियाव आनि अनजाग्रा फिसाफोर, जेब्ला जों महर सोलायनायनि फोरबोखौ फालियो, जों बेखौ दाबावथों दि, ईसोरा गावनि फिसा हौवा, जिसु खीस्ट'नि महरसेआव जोंनि सोलायजानायखौ हास्थायो आरो बेबादिनो ईसोरनि आखल आखुखौ मोनफाग्रा जायो (2 पेत्र 1:4)।

फै जों भारतआव थानाय मनिपुर राइजोनि थाखाय आर'ज खालामबाय थानि – जाहाथे बैयाव गोजोनआ थाबाय थायो आरो जोंनि फंबाय बिनानावमोना बोगदाद, साहसि आरो खीस्ट' बादि जाना थानो हायो, जुदिय' बिसोर बै गोब्राव थासारिजों थानो गोनां जादों।

बेजों लोगोसे, जोंनि लाइमोन फंबाय आरो बिनानावमोननि थाखाय आर'ज खालामबाय था जायफोरा जोंनि सेमिनारिफोराव फोरोंजानानै, आरो सिस्थार्स अब कमपासन जानानै गोथार गिर्जानि सिबिनायखौ सायख'ना लाबाय।

गोथार गिर्जानि सिबिनाय हाबायाव,

Date : 25 July 2023

खीस्ट'नियाव नोंथानि बिफा

Place : Holy Synod

आथानेसियास यहान सेथि मेट्रपलिटान

बिथोन: अन्नानै रोखा खालामदि फोथायारिफोरखौ थुलुंगा होनायनि थाखाय गंफ्रोम गिर्जाफोराव बेयो फरायजायो।